

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**PLAN BORBE PROTIV KORUPCIJE U KONKURENCIJSKOM VIJEĆU BiH**  
**ZA PERIOD 2013. -2014. GODINE**

Sarajevo, decembar 2013. godine



Na osnovu člana 61. stav 2. Zakona o upravi („Službeni glasnik BiH“, br. 32/02, 102/09), člana 25. stav (1) Zakona o konkurenciji („Službeni glasnik BiH“, br. 48/05, 76/07 i 80/09), Konkurencijskog vijeće Bosne i Hercegovine, na 77. sjednici održanoj 27. decembra 2013. godine je donijelo

**PLAN**  
**BORBE PROTIV KORUPCIJE U KONKURENCIJSKOM VIJEĆU BIH**

**Član 1.**

(Predmet Plana)

- (1) Ovim Planom definišu se aktivnosti, mjere, nosioci i vremenski rok realizacije u Konkurencijskom vijeću Bosne i Hercegovine (u daljem tekstu: Konkurencijsko vijeće).
- (2) Ovaj Plan je baziran na analizi stanja u Konkurencijskom vijeću i usmjeren je na aktivnosti u oblasti prevencije korupcije.

**Član 2.**

(Pojam korupcije)

Korupcija označava svaku zloupotrebu moći povjerene javnom službeniku ili licu na političkom položaju na državnom, entitetskom, kantonalmom nivou, nivou Brčko distrikta Bosne i Hercegovine, gradskom ili općinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita <sup>1</sup>.

**Član 3.**

(Sprečavanje korupcije)

Sistemske pristup borbi protiv korupcije obuhvata:

- a) edukacija;
- b) eliminisanje uslova koji dovode do mogućnosti za korupciju;
- c) transparentnost i izvještavanje;
- d) razvoj i primjena specifičnih mjera i aktivnosti u oblasti prevencije korupcije.

**Član 4.**

(Prava i dužnosti)

Pri realizaciji planiranih aktivnosti koje Plan sadrži, potrebo se pridržavati sljedećih principa:

- a) princip nediskriminacije i poštivanja sloboda i prava,
- b) princip legalnosti;
- c) princip koordinacije i zajedničke saradnje;

---

<sup>1</sup> Zakon o Agenciji za prevenciju korupcije i koordinaciju borbe protiv korupcije, član 2. („Službeni glasnik BiH, broj: 103/09“)

- d) princip profesionalizma i usklađenosti sa svim područjima djelovanja,
- e) princip poštivanja planiranih obaveza iz Plana;
- f) princip transparentnosti i otvorenosti Plana.

Član 5.  
(Prijavljivanje korupcije)

Svi zaposleni u Konkurencijskom vijeću imaju pravo i obavezu da prijave sve oblike korupcije pisanim putem (javno ili anonimno).

Član 6.  
(Realizacija)

- (1) U skladu sa naprijed navedenim za realizaciju ovog Plana odgovorni su svi zaposleni.
- (2) U cilju realizacije Plana, Konkurencijsko vijeće će osnovati Tijelo za monitoring i koordinaciju provođenja Plana.

Član 7.  
(Ciljevi)

Realizacijom mjera iz ovog Plana očekuje se podizanje kvaliteta nivoa rada primjenom etičkih i profesionalnih standarda, kao i razvoj preventivnih alata u cilju sprečavanja korupcije, a što će povećati odgovornost i transparentnost.

Član 8.  
(Sastavni dio Plana)

Sastavni dio ovog Plana je Anex 1 - tabelarni prikaz planiranih aktivnosti u vremenskom periodu od 2013. - 2014. godine.

Član 9.  
(Izmjene i dopune Plana)

Plan se može mijenjati i dopuniti u skladu sa procedurom donošenja.

Član 10.  
(Stupanje na snagu)

- (1) Ovaj Plan stupa na snagu danom donošenja.
- (2) Stupanjem na snagu ovog Plana, stavlja se van snage Pravilnik o prevenciji i borbi protiv korupcije u Konkurencijskom vijeću Bosne i Hercegovine, broj: 01-02-2-217-I/13 od 01.08.2013. godine.

**Predsjednik**

**Gordan Raspudić**

Broj: 01-02-2- 217-1-I/13  
Sarajevo, 27 .12.2013.godine